

## Rajottya Pyitru Niquejada Cateramu

### *Pyítrubay muchuveda*

<sup>1-2</sup> Ray Pyítru, Jesucrístu nusubyi, ray nurya catera jiryeyju, Judenumusiy juresavay jiryatij sajaraheta jirye jiryetyevay cabyimusiy jijyu, jiryevyicha diye juravye Póntumu, Cadásiyamu, Capadósiyamu, Ásiyamu, Bitíniyamu jarye titaju. Saharyetada Vujye jirye, jiryatij sadatyadanuma jityaju jiryedye: “Riryaday tuvachu rimu.” Saharyetada variy jijyu jirye, Suntuta, jiryatidye siitye variy saju, sapuy variy jiryivasirya jiyuuchuveda Jesucrístu nudajamusiy, jiryatij vujyuuchuveda jiyasayadamu sabatyeda. Sama jasachura yentyutyada jiryeyju, samirya vichasada jarye risaju.

### *Judenu jtedamuju vuyntuy*

<sup>3-4</sup> Vuryajchanatyaní Judenu, Vuyntyityu Jesucrístu jay, jiryatij jaryi santutyadamuju jipyirutyadeda vadi jnyadamuju vuy. Jiryatij Jesucrístu misasubeda diibyimusiy, ramusiy jita vuyntuy rajiju vuryeyarurya sisa, jiryatij sabayada jarichuvimu vujyura, jiryatij vuryecha datyavay daryaju. Ne taramuy rabaryiruy, dantyamuy ne rajarapuchara, ravichechara yechasara titaju.

<sup>5</sup> Jiryatij vutyuvachu simu, sabay variy jivyanuyadata carayadajisivyuy, santuy vuryiva

jiryamityadeda momuju, jiryatij sadityanu yivijada rundamu vuy.

6-7 Ramunítij vuryichanachara, dañuma vuñicha jarupantasavay taraquideju parucharimyusiy sutedamuju, satidye jantya ratara vutyuvachoda yimu, darya riryentya mamyi jiidatyara óru, riryatidye jatya rivasirya runodi, ramacho rantyityura óru variy. Óru jita rabaryisara Vujye Judenuju day, vutyuvachoda jita ne rabaryisara saju day. Ramuni vutyuvachoda vichasara samiryavaju órujisiy saju, sajantya variy parucharimyusirya. Jesucristu dityadoda rundamu jita sadityanusara Judenu yichanatyadamura vutyuvachoda, jiryatij sajaryetada jidyedyenuju vuy, sabay varirya jidyanuyada vuryiva.

8-9 Dañumamuy ne vuñidyyiyada siva Jesucristu, vuvyata jaryiñi. Dañumamuy ne vuñidi diye siva didye, vutyuvachu variy simu day, vuryichanay jaryi variy, daryasarajutij ne rasara vuñiquejada tuchodajura. Nutyu vanda vichajomunuma vuryichanay varidye, jiryatij vutyuvachodamu santuyuchara vuryiva.

10-11 Riñi datyaruñuyada jita tarij Judenuju tuchuvay vuryentyutyadanchiy, rutajadoda jaryi ranchiy jiryatij sani jteda yasay Judenu vurya: ¿Nutyura rundamu racha jiryatij sadityanu Cristu jnutu riy, nutyura rundamu? ¿Nutyura rachasara rivyichada nijyanvay variy, nutyura? Sadatyadoda Suntu daryaju riy, nutyu saparutyajayasara Cristu rivayu, sadatya variy rivasirya vandamu vichada.

12 Sadityadoda varintyiriyi, ne rijyu darya saniquejada day, vujyu jita darya samituchoda day, jiryatiy rityuchoda tuchuvay vuryivara. Rityuchoda Judenu Jnutumusirya, jiryatiy supajadani Cristu jarichumusiy. Riñi datyaruchara jita Judenu tuunu vichavantyi vuryentyutyasadanchiy.

### *Vuryantya vichasara vase Judenuju*

13 Ramunītiy jiryantya jdutyara jijechipiyajada, datyada jachityavay jiryecha, jiryatidye nutuy tītaju jityuvachodata santyutyada momusiy, jiryatiy sajītita vuryimura varityi sadityanu Jesucristuntyu.

14 Jiryecha sadadyeñu siityevay, ne jiryajudera jijechipiyajada ranachojū tariy jiryehñiruyada rapurya, daryatiy jiryehñiruñuyada tara jiryatiy jiryevyichanuyada datyisamiy variy.

15 Daryatiy savichasara sami nītiy natuyada jirye, daryaday jiryechaniy samivye jivyichadedamujuyu.

16 Daryatiy nucharanuma Judenu niquejadamu darya:

“Jiryatiy ravychasara sami, jiryecha samivye daryantidye.”

17 Jiryītatyi siva “Vujye,” nītiy sachaniy nuñi ti sītenu yivaayada murichirya, jiryantya ramityaniy jichuvuyadamu varirya jiryunda jiyomu.

18 Tapi jiryedyetyanuma nutyuramusiy sataryuyada Judenu jirye jiryevyichada rapuryajisiy jiryatiy jiryedyetyadara tarijyemyi

vichasada. Tama sataryuyada criquiuy rapuryata jiryey, tama.

<sup>19</sup> Sataryuyada jita Jesucristu jnutyá nudata jiryedye, jiryatíy jaryinra criquimyusirya. Jaryi samirya daryajura sadiiyada day, vuryetyanusada jiyadaju. Daryatíy rityeryuyada tarijyemyirya jiyuuchueda ramityadeda samiy carniru jnutyá nudata, jiryatíy ruveda jiyuuchueda murichiryaní, daryanday sataryuyada Judenu vuryetyanusadantíy, Jesucristu batyedata sataryuyadara, jiryatímyu ne juuchati dañi.

<sup>20-21</sup> Sabayada jita Judenu vuryeyada ráñujuní, mucadi judayadajisiy sabayadani. Diye, tamitya rundamu jita, sadiyadoda vuryeyadajuní, jiryatíy vutyuvachu Jesucristumusiý simu, nitíy misadeda diibyimusiñi, satidye say variy jidyanuyadani. Ramunítíy vuryatuvachusara simu Judenu, vuryanutuchara variy sajiju Jesucristu.

<sup>22-23</sup> Jiryatíy jiryepyumyara jijechiy, sitenu saniquejadamu tuvachuvay daryaju jiryey, jiryatidye vatasara nutyu taryivedayu, jiryantya vata samiy jachityavay nuñi tevayu, jiryatíy jiryevyicha vadi piruvye Judenu niquejadamusiý, ne diiyasavay variy jiryeyñuday, jiryatíy jnutyá daryajura saniquejada day, rasuruy junareju risajuntiy.

<sup>24-25</sup> Darya nuchara niday Judenu niquejadamu darya:

“Rivyicha nijyanvay nutyu vachuy, riryetyeda jita nutyu vachubyi. Ráridyeje vachuy, rajuyuy

vari y rabi; J̄udenu niq̄ejada j̄ita suruy  
j̄unarej̄u day.”

Rani j̄ita jiryiva tuchusāda niq̄ejada jiryat̄iy  
samirya darya.

## 2

<sup>1-3</sup> Ramuni j̄ita jiryat̄iy jiryeyetyamā daryaju  
yivasirya taji jachipiyajada, quivuyada,  
jiryit̄uyadamu vichada, jiryennuvayadamu  
vichada, t̄itaju jamirya niq̄ejada jarye risaju,  
ramuni jiryav̄atara J̄udenu niq̄ejada j̄iveyedaju  
jiryint̄umu, daryat̄iy savatasara vadi rupira  
j̄ityaja, jiryentyamā daryaju s̄itenu samini  
Vuyntyityu vujyu.

*Cr̄istu vichasara ravichu j̄nuñu; vuyyicha sani-  
jyanvay jaryetasavay*

*(Róma 9.32-33)*

<sup>4</sup> Jiryit̄i j̄ita simu, jiryat̄iy sajaryetada J̄udenu  
nut̄yu ravichu j̄nuñuj̄uni; dañuma riñi rrachu ni-  
jyanvañi, sunuy J̄udenu jaryi samini sat̄idye roriy  
yajiju sata.

<sup>5</sup> Saroriy variy jiryetya, nut̄yu ravichu j̄nuvye  
jiryevyicha sisa daryaj̄unt̄iy, sat̄idye roriy  
yajiju jasityi jiryajvaay j̄iint̄yevye saju, jiryat̄iy  
jiryint̄atya simu jvaayadaj̄uyu, sadirye variy  
Jesucrist̄umusiy jirye.

<sup>6</sup> Sutañuyada daryaju jiryat̄iy nuchara darya:

“Jiryaj̄nuy, rabe rañijyanvay vichadamuni  
ravichu, jiryat̄iy rajaryetada roriy  
surutyaj̄uni, jaryi sami daryaju rajuni.  
N̄it̄iy tuvachu simu, ne sajada variy.”

<sup>7</sup> Jiryeyju jíta, jiryatiy tuvachuvañuma jiryedye, savichasara jaryi sami, va rijyu jiryatimyu ne rityuvachuruy simu, savichasara

“Javiryutyasi ravichu, jiryatiy riñi rrachoda ror-ijvaavyeñi, sabamya Judenu variy Jiry-orimyuní ravichu jaryiñu day.”

<sup>8</sup> Savichasara

“ravichu casinuyata, jamu ravichu rip-yarutedaju.”

Rityi vichasara tuvachusamiy rupatyeya jitechipiyajadamu saniquejadanachoju, daryatiy sabayada Judenu rijyura.

<sup>9</sup> Jirye jíta vichasara nijyanvay jaryetasavay Judenumu, nijyanvay jiintyasavay Judenuju, jiryatidye jvaay vatajuu saju. Sitenu sanijyanvay jiryedye, jiryatidye tuchura sivaayada tittasara vijyomujache, nitiy natuyada juuchueda nupocudinubesiy jirye, samirya vandajomuju.

<sup>10</sup> Jiryatimyu ne jiryevyichanuyada nijyanvay nta, jiryeñiday vicha Judenu nijyanvay diye; jiryatimyu ne jiryedyetyanuyadara santutyada, jiryeñi jíta datya diyera.

### *Vuryantya vichasara Judenu niruyadamuju*

<sup>11</sup> Ravyatavay, rayasanta jirye, jiryatiy taji vichavay jiyomu vuy, vinu jañvye jirya mucadimu vuy: Jiryantya jiintye vacha niruyadajisiy, tapi ruvachara vudyirya niruchara vuryintu jiyaroju.

<sup>12</sup> Jiryantya vichasara samivye, tuvachusamiy cabyimu, ramunitiy dañuma rityuchuta nutyu jamirya vichavay jirye, riryadiy samiy riva jiryevyichadeda, riryatidye jchanatya

rivani Jüdenu tamitya rundamu, jasityi samurichenutanirya vuryivaayada murichirya.

<sup>13-14</sup> Jiryantya vichasara sabuvye, nijyanvay nusuyadamuju, Vuyntyityu jtedamu, varimyata jamu nutyityumuju, varimyata japumuju, jiryatij sabay jamu nutyityuni japu satidye tanuvunu riy jamirya vichavay; ramujuntiy, satidye jchanatya variryi samirya vichavantyidye.

<sup>15</sup> Tapi savata Jüdenu darya vujyu, vuryatidye dasaniy samirya vuvyichadedata riy datyisamiy, jiryatij riñiquesarara nicyaray.

<sup>16</sup> Vuryantya jiriryira ratyadoda, ne vuryajarupanu jadchiñundyerya. Vuryantya vichasara ratyanusavay, Jüdenu muchechij ratyadodamuju.

<sup>17</sup> Vuryantya vicha samirya rusa titaju. Vuryantya vatasara riy vutyeryiveda Jesucristumu. Vuryantya diy vuchuvuyadamu variy samirya siva Jüdenu. Vuryantya tuvachu ramu jamu nutyityu niquejada.

*Vuryajantyarā  
parutyadanubesi*

*Crístu*

*vichada*

<sup>18</sup> Jiryatuvachu cumudemiy, jiryantya vicha siityevay saju jipyatru jiryechuvuyadanube, ne vinu saju jiryatij samirya jachityini, jachipiyajadati risajuni; sajuntiy jiryatij niquerya dañi.

<sup>19</sup> Tapi suncanuy Jüdenura vuryityi jachinityara parutyada vichada, jiryatij jamirya jachipiyajadamu riryarupanta vuy, jasityi vujechiniy Jüdenunijyu jachipiyajadamu vuy.

20 ¿Chi rajchanatya varivyuy, chi? jiryatiy vujechinitya tapimusirya suveda, jiryatiy ti jvay taji jvaayadiva vuy. Jasityi suveda samirya jvaayadiva vuy, vujechinitya tapimusi varirya, rani jita Judenu jacharaju.

21 Ne jiryinuy sanatuyada Judenu ranachojū vuy, vuryatidye datyara jarupanusada sayadaju, daryani sadatyada Crístura jarupanusada vuryeyadaju. Nini vichada jantyasi vujyu, vuryatidye jantya varirya savichadantidye.

22 Tama sani juuchueda, tama, dantyamuy ne saquivuyada jiniquejadata.

23 Varityi riryavityiyeyadani, ne sumutyajada javityiyeyadamu variryi; varityi riryarupantadani, ne satuchutada jamirya niquejadata riy, mitya suntatyada Judenumujura, jiryatiy sachaniy vase rivaachadiva riy.

24 Sadirya yimutyajada jivyuvvara vujyuuchueda, jasityi sabatyeda crusityasa, vuryatidye vicha variy samivye Judenu jtedamuju. Sajiintyama daryaju vujyuuchuedajisivyuy, samisadede Crístu vatajomusiy varivyuy, jiryatiy vuvyichanuyada jdivajnuvay juuchuedamu.

25 Vuvyichanuyada daryaju nutyu sasi caravyentyi, vuryanumityeñuma diye simuju vubeyanu jnutyintiy.

### 3

#### *Nutyura riryivyichasara jamuyve*

1 Daryamusintyi riryasiitye vatuy jivyanuju; tanuy vanu vichasiy tuvachusa Judenu

niq̄uejadamu, satuvachuruy variy jivyaturuy vichadamusiy, dañumamuy ne nanat̄uchu tara siva Judenu niq̄uejadanchiy.

<sup>2</sup> Darya r̄acha jiryat̄iy sad̄iy nanuvanu riva nanuvichadeda suvuyadamu, jiryat̄iy nan̄icha vaturuy samirya jvadiruy jivyanuju.

<sup>3-4</sup> Nanundan̄iveda r̄achasara jijechemistry, jiryat̄iy samirya jachityanuy daryaju nada, ne jarupant̄adaju r̄acha nanundan̄iveda, jiryat̄iy nanuvichasara sīityejada jachityanuy, sabonu nan̄intu, jaryi ramurichevay Judenu diya daryaju day. Rindan̄ivay, ne rav̄atara jnojasiy pisiyada, dant̄yamuy ne saratyanutā vandant̄iy, dant̄yamuy ne sujatyera jaryi murichevarya.

<sup>5-6</sup> Darya jirȳinuy rivyichanuyada tarijyemyi vatuy, samirya vichavay, Judenumu tuvachuvay; riryetyadoda jijechemistryuy, jiryat̄iy rivyichanuyada sabuvye jivyanuju, daryat̄iy nanusiityenuyada Sárájube jivyanu Avur̄ábajyu, nan̄iteda nutyityu variñi. Jiryen̄icha nanudadyeñu jasityi jiryavichaniy samiryamu, ne jiryasuvuy suvucharamomusiy.

<sup>7</sup> Vaduy j̄ita, daryant̄ya riryechasara datyada jachityavay jivyaturusa, jiryat̄iy s̄undejada Judenu ni vatura vadiiryonu vanumusiy. Riryaj̄nuy vaduy samiy riñecho jivyatuy, jiryat̄iy rumutyā jidchavu rusara Judenu jantyutyada, jun̄are jnuyadaju, rañuma sura varirya rityuchoda sisa Judenu.

### *Riryarupanta samirya vuvyichadiva vuy*

<sup>8</sup> Rañique tamitya jiryiva t̄itaju, vuryant̄ya jachipiyasara vatajuu, vuryant̄ya vichasara

vutyeryivedanijyu jachipiyavay, jiryatiy jaryi vuvyata vuy; vuryantya jantyutya nuñivajyuu vuy, samirya jachityavay vichadamuju.

<sup>9</sup> Ne vuryamurichenu taji vichadedatani nítiiy vichaniy taji nta vuy, dantyamuy ne vuryajavityiyeni nítiiy javityiyevyuy. Vuryantya nique samirya sanijyu jiñiyaresiy, vudyetya daryaju sanatuyada Judenu ranachoju vuy, vuryatidye jmutyara samirya vichada sutedamu.

<sup>10-12</sup> Nucharanuma daryaju Judenu niquejadamu darya;

“Nítiiy jnuryuy, saramityaniryuy samiryamura jiryundantiy, sama suutara vacha niquejada yitosiy, saparuy riva quivuyadantiy. Sama jiiintye vacha vichadajisiiy, satidye vicha samirya; sama vata ranacho samirya vichasada, satidye sarye varirya. Tapi sunuy Judenu samiy riñecho rityi vicha samivye sutedamuju, satuvachusara jita varirya rijechiñuyada. Sanumitye jita riryajisiiy jiryatiy vacha vichavadyeryi.”

<sup>13</sup> Ne chi rachaniy tara jirye riva nuday, jiryetyi jiryiryi vichadedada samirya.

<sup>14</sup> Variñumatiy riryarupanta samirya vichadivasiy jirye, jiryecha jchanatyasavay varyi. Ne jiryasuvuñi ti, dantyamuy jiryajnutay riñuma jatachu rata jiryetyuvachodajisiiy.

<sup>15</sup> Jiryantya bañi Crístu jiryejechiy nutyityuju, jiryama jachipiya samiy, jiryatidye datya jmutyajada vijyomujacheni nítiiy jtajanu yintuyadanchiy jirye, jiryatiy jiryentuy sajiju. Jiryajmutya tapimusiñi, jiryechuvuyadamusiy.

16 Jiryantya vichasara samivye Jüdenu diya, riryatidye jada variy rityi tuchuta quivuyadamu jiryevyichadedivayu, jiryatiy Crístu siityarivay daryaju jiryedye.

17 Satiy vata Jüdenu darya jiryejyu, dañuma riryajarupanta samirya vichadedivasiy jirye; ne samirya jiryavichaniy nicyararyi jiryatiy riryarupanta jirye.

18 Tapi daryantiy, dañuma sanichanuyada Crístu sami, sarupantatadeda Jüdenu nicyaray vichavay vichadeda murichiryanı, sabatyedama variy rijyuuchurveda jiyadaju, satidye tuudityaniy Jüdenu variryi. Dañuma ruvedara savu, samisada variy yintumusiy.

19 Süntumusiy jita jiyada variy tuchu ribeyanuju, jiryatiy tanuvunujovimu riy.

20 Rivyichanuyada tuvachusamiy daryaju, jamu cartye jvaayadasaraju, jiryatiy sivaayada Novébay tarirya; sajachinityada Jüdenu tapimusirya nicyaray rivyichadeda nijyanvay variy, rarundasaraju jasityi saparutada jata riy, vinu munvañijyate machojada riryiinra, jiryatiy rijeyada cartyevimu, rantyuyada ja variy ruuva, jiryatiy rappayajada cartye variy jamova.

21 Daryamusintyi rantyuy ja jiryiva jiryityuyadamusiy; ne jiryatiy rapurya mi jiryevyuvasiy, ramusiy jita, jiryatiy jiryimutya samirya jachityavay: “ıo, ratyuvachu!” Daryamunı rantyuy nta ja variy jiryiva Jesucristu misadamusiy.

22 Ninı jita vichasara diye Jüdenu nutyityudamyu, jiryatiy sitojadama jarichumu, variñuma sasabodeda Jüdenu saju riy yipavay, bayantu nu-

tyityumiy jarye.

## 4

*Vuryantya jvaay jasicharajutiy sasqy Judenu vuy*

<sup>1-2</sup> Ramutiy, nutyu savichada Crístu paruchariy jivyumu, jiryantya vanutya darya jachipiyajadatayu, tapi nitiy vicha paruchariy vichadata jivyumu, nini paruy riva juuchueda, satidye ramitya varirya jiryunda jiyomu Judenu niruyadamu, ne savichasara jidyirya niruyadamu nūday.

<sup>3</sup> Rasaranuma jita jiryatiy tariy vuvyichanuyada vacha niruyada jvaayadacanimiy, daryani rivyichasara tuvachusamiy. Vuvyichanuyada variy jarupadodacanimiy, vacha niruyve, niyuyadacanimiy jarye, rayajomu jiyadacanimiy risaju vuy. Vuvyichanuyada variy taji nta vichavay, jiiputeranachojū jachipiyajadamuntiy, jiryatiy Judenu jubachara vuryajisirya.

<sup>4</sup> Rityitta jita tavay varivyuy jiryatimyu ne vuryupiryuy datyisamiy rusa nūday, riryavityiye variy riva vuy.

<sup>5</sup> Riryantyate tuchu siva Judenu darya rivatiy sachaniy tara rivyichadiva titaju jnuvyeyu, diibyimiy jarye.

<sup>6</sup> Ramunitiy satuchoda Jesúsra samituchoda ruuva, diibyimivya jarye, riryatidye jnujeyasara tarijyu yintumu, Judenu jtedamuju, dañuma ridyiyada nutyu tavay diijeyasara jiyuuchuedacosiy.

7 Ratuudiñumara títaju vupyaruteda, ramuní jiryecha datyanuvay, vaniravay jarye, jiryatidye jachipiya Judenujsa tuchodaju variy.

8 Jiryantya vata jaryi nuñi jiryeyu, tapi vuvyatadamu vuryamityara rajuura vutyevay juuchuvada.

9 Jiryantya jmutya jañuvye nuñi jiryeyu, samirya jachipiyajadamuju.

10 Jiryatiy sasayada Judenu nuñi tiquira tara ratatiy riryajmutya riy jityevay, vuryantya jmutya nuñivajyuu vuy, daryatiy vuryimutyara jaryedo simusiy.

11 Nitiy jmutya jiñiquejadata, santya nique Judenuju; nitiy jmutya jvaayadata, santya jvaay daryasarajutiy sasay Judenu savanuyadayu, riryatidye jchanatya nijyanvay rivani Judenu, Jesucristu jtyamu. Simuní jita rachasara títaju vanda, nusuyada nutyityu títaju junareju. Daryani ramachosara títaju.

### *Paruchariy vichadata riryajiyasanta vuy*

12 Ravyatavay, ne jiryatitta rajiju jantyasaray, ratatiy sajantya Judenu nutyu jiidatya nta jirye. Tama tara tittasara ranicha, tama.

13 Jiryantya jchanachara ramu daryasarajutiy riti jarupantasada Crístusa, jiryatiy jiryeyaruryara, jiryatidye jchanay jiyarovayajadamuju, sanumatiy dityanura jidyanuyada.

14 Rityi javityiye Crístu jtya jiyadasiy jirye, jiryecha variy jchanatyasavay riva, tapi racha Judenu Jnutu danuyada jiryiva variy.

15 Jatyi savicha j̄ita t̄i jiryetyenu juvi, dantyamuy ne paranuñi, dantyamuy ne vača jvaarya, dantyamuy ne t̄isa jityenuṛya, ramutimyu ne riryavichaniy tarani.

16 Niṭiy vicha jarupantasi jiryatiy sasiityari daryajuni Crístu, ne sajada variy jichiityarijadiva, santya jchanatyanj Judenu variy ramusiy.

17 Ritima j̄ita rarunda satidye jota vichadeda Judenu tara nta riy jiñijyanvay, rijyuuchueda jiyadaju. Jiryatiy rajota munatya vuñijyu, nutyuranintiy rača tamitya riñijyu rityimyu ne tuvachuruy samituchodamu jiryatiy Judenumusirya.

18 Parucharimysityi vuñi ramitya, jiryatiy sutedomu samivyevyuy, ¿te riryajto variy rityimyu ne datyaruñi Judenu, te? jiryatiy juuchataway jarye risaju riy.

19 Ramunیتی jiryatiy paruchariñube vuchiityarini Judenu yitedamu, vuryantya jnutatyanj vuryintu simu Vuryindenu, samiy vuvyichadedamu vuryantya jnutatyanj vuryintu simu, nitimyu ne quivuyada sadatya bayada junare jnuyadajuni.

## 5

### *Riryajnutya rimyityumiryi Judenu siityarivay*

1-2 Jiryatiy ravyicha Judenu siityarivay jnutyi, ratyuchu vijyomujachentirya jiryatiy radyi riva aparutyada Crístu, radatya sisantirya vandantiy, jiryatiy sadityanu Judenu variy simura. Ramunij rayasanta jirye ratyevay jnutyavay: Jiryantya potyanij Judenu niquejadata riy sasiityarivay

jiquebyimu. Jiryantya jnutyasara vanira jachityavaryi, Judenu jtedamuju, ramunitimyu ne sunutyataniy ti jirye, dantyamuy ne jiryatidye canarya criqui y rapurya ramusiy.

<sup>3</sup> Dantyamuy ne jiryasaboniy nutyu nutyityumiryi Judenu siityarivay; jiryecha jita jantyasavay samiy vichadaju rijyu variy.

<sup>4</sup> Sanumatiy jutí jnutyavay nutyityu Jesús, jichityarivay jnutyi, jiryajmutya variy simusirya jiyarurya vanda parenu day, jiryatimyu ne vanay jarapuryara.

<sup>5</sup> Daryamusintyi rayasanta jirye vaderovay, jiryantya tuvachu ruumu rimyityumiy. Jiryantya tuvachu titaju nuñi jirye yimu. Siityejada jachityavay jiryecha, nucharanuma daryaju Judenu niquejadamu darya:

“Sayaronu Judenuni yinnuvañu, sasay jita yimutyadani jiryatimyu ne yinnuvañu dañi.”

<sup>6</sup> Ramuni jiryechasara sabonusavay Judenu datyadamusiy, satidye nubesityaniy samiryundamu variy jirye.

<sup>7</sup> Jiryantya jatyara jijechipiyajada sanijyu, jiryatiy sunutyasara daryaju jirye.

<sup>8</sup> Jaryi yinutyavay jiryecha, jiryatidye jnutyantumaya sajisiy bayantu nutyityu Satanásiyu, tapi savutayasara nijyanvañecho, ripyarutedaju, nutyu nibyi jachijadacanu.

<sup>9</sup> Jiryantya vanutya jityuvachodamu sajisintiyu, jiryedyetya daryaju: ridyetyanaya jiryetyevantiyria darya parutyadantiy, titaju vichadivantiy.

<sup>10</sup> Jiryeñumatiy datya taraquidejura parutyada sayadaju, saratyanu Judenu samivyejyu variy jirye, sasurutyaniy variy risaju jirye, savanutyaniy variy jiryentyi. Nini say titaju vurya vuryentyutyadaju, jiryatiy sanatuy jivyichajo vandajomuju vuy, sadenu Crístumusiyy jiñatuyada junare jnyadaju vuy.

<sup>11</sup> ¡Saju jita rachasara vanda nusuyada junareju!  
¡Daryanuma rachajayasara!

<sup>12</sup> Rañúmyara jirya caterade jiryejyu. Rañúy Sinubánutara, nitiy jiryitay jityeryi tuvachura. Rayasantasiy catera núcharata jirye, ratyuchuma jítara sitenu Judenu sayada vuryeyadaju. Jiryantya rupade jijechityara.

<sup>13</sup> Rimyuchuvay jiryetyevay siityarivajyuuyu, jiryatiy Babinóniyamu vichavaryi, Judenu jaryetasavay jidchavu jirye. Daryantiy samuchuvay Márcu jirye, radyenu ritay daryajuni.

<sup>14</sup> Jiryantya muchuvay Judenu vatadamu nuñi jiryeyu. Samirya jiryecha titaju jiryatiy Jesu-crístumu jirye.

Sayanuma Pyítru

**Judenu jto nijyanvamyu**  
**New Testament in Yagua (PE:yad:Yagua)**

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

**Copyright Information**

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Yagua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

741209ce-3bea-5617-a721-dc112d0873cd